

Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh

(ciep banj 3)

Gyarem gij diegvih giyez guh aen cawjdaej gohgi cauhmoq, doinyoengx gij swhyenz cauhmoq conz haeuj giyez, haeujcoengh giyez yiendaeuz cujlaeb aen lenzhodzij cauhmoq、engq lai raphwnj gij yinvu gungguan gohgi guekgya, gikcoi giyez lai douzcienz guh giekdaej yenzgiu, coihawj diuzlienx cauhmoq diuzlienx canjniel diuzlienx ngaenzcienz diuzlienx vunzcaiz ndaej yungzhab haeuj laeg. Gungganq guhhung gij giyez lingxdaeuz gohgi, haeujcoengh gij giyez gisuz moqak caeuq gij giyez rauh iq guh gohgi de hwngfat, gyalai aen beijlaeh gij ngaenzyungh giyez yenzgiu haifat ndaej gyasuenq caiq gaeucawz. Gyalai gij rengz cwngfuj cawx doengh gij canjbinj gag guhcawj cauhmoq.

(13) Baenz cingjdaej doinyoengx gyauyuz gohgi vunzcaiz fatmaj. Laebhwnj laebcaez gij gihci dox boiqhab baenz cingjdaej bae doihaeuj, gyarem gveihva hamzciep、cwngcwz boiqhab、swhyenz dungjcouz、bingzgyaq lienzdoengh, coihawj gohgi gag guhcawj cauhmoq caeuq vunzcaiz gag gungganq doxcoi doxhab, hwnqguh gij gyauyuz cunghsim、gohyo z cunghsim、vunzcaiz cunghsim youq lajmbwn miz yingjyangh haenx. Hopheux gohgi cauhmoq、canjniel hwnqfat caeuq guekgya canloz aeuyungh doxgap ganq vunz, gajindei gauhyau baijbouh、faenloih doihaeuj gajgwz、doengbuenz ndalaeb yozgoh, haeujlaeg doihaeuj hwnqguh gij gauhyau “sueng itlouz ” caeuq gij cunghsim yozgoh gyauca guekgya, lai hawj gohyenz gihgou、bingzdaiz cauhmoq、giyez、gohgi giva yienh–ok gij goengnaengz gyonjcomz gungganq vunzcaiz, gungganq gij vunzcaiz ak cauhmoq. Gyavaiq ganq ak gij ligliengh canloz vunzcaiz guekgya, ganq ok baenz gyoengq gohyozgyah roxyiuj daengxbuenz、vunzcaiz lingxdaeuz gohgi、gunghcwngzsw h maenh’ ak、lauxcangh guek hung、vunzcaiz dinfwngz soemraeh daengj doengh loih vunzcaiz neix. Lailai guh vunzcaiz doxgap boiqhab, gajindei gij gapgyaq vunzcaiz, coihawj vunzcaiz youq gvaengxdieg doxdaengh fatmaj. Aeu gij naengzlig、caetliengh、saedyauq、gunghawj cauhmoq daeuj dazyinx bingzgyaq, gyalag gajgwz gij hongsaeh bingzsaemj hanghmoeg、bingzgij gihgou、bingzgyaq vunzcaiz、faenboiq souhaeuj, deudoeng diuz roenloh gauhyau、gohyenz yensoj、giyez gyaulouz vunzcaiz, gikfat gij rengznyoengx rengzhoengh cauhmoq cauhguh. Hawj gozci gyaulouz doxgap haeuj laeg bae, laebhwnj aen cidu hawj gij vunzcaiz dinfwngz soemraeh roengzhoh, yinx ganq gij vunzcaiz maenhndei seiqgyaiq.

(14) Haeujlaeg doinyoengx hwnqguh soqcih Cungguek. Laebcaez gij cidu giekdaej coengh soqgawq yausu, laebhwnj aen hawciengz soqgawq daengx guek doengzcaemh hailangh caeyungh ancienz, gyalag haifat leihyungh soqgawq swhyenz. Coihawj saeddaej ginghci caeuq soqcih ginghci yungzhab haeuj laeg, hengzguh aen gunghcwngz cauhmoq hwngfat gunghye z hulenzvangj. Gyavaiq cauhmoq yinzgungh cinwngz daengj gij gisuz bienq soqcih bienq cinwngz neix, gung roengz lijln giekdaej caeuq gisuz haedsim, gyarengz engq ndei dwk gunghawj suenqlig、suenqfap、soqgawq daengj. Cienzmienx saedhengz aen hengzdoengh “yinzgungh cinwngz + ”, aeu yinzgungh cinwngz dazyinx gajjbieng gij yienghsik gohyoz yenzgiu, gyaak yinzgungh cinwngz caeuq canjniel hwnqfat、guhhoengh vwnzva、baujcan bekking gwndaenj、ceihleix ndawbiengz dox giethab, ciemqhah giz diegsang wngqyungh yiengh canjniel yinzgungh cinwngz, dohdaengz hawjrengz gak hangz gak nieb. Gyarengz ceihleix yinzgungh cinwngz, laebndei mizgven fapldw fapgi、cwngcwz cidu、wngqyungh gveihfan、lunzlij cunjcwz. Guh ndei gamguen, doinyoengx bingzdaiz ginghci cauhmoq caeuq cangqheiq hwngfat.

Haj、Hwnqguh Aen Hawciengz Ndaw Guek Hung’ ak, Gyavaiq Cauhlaeb Aen Buenz Hwnqfat Moq

Aen hawciengz ndaw guek hung’ ak dwg gaiq canloz dakbaengh guh gij yendaiva yiengh Cungguek. Dingjmaenh gyadaih ndaw guek aeuyungh aen canloz dajdaeuz neix, dingjmaenh ndeileih bekking gwndaenj caeuq coi siufeiq、douzcienz haeuj huq caeuq douzcienz haeuj vunz gaenjmaed giethab, aeu yiengh aeuyungh moq dazyinx yiengh gunghawj moq, aeu yiengh gunghawj moq daeuj cauh ok yiengh aeuyungh moq, coihawj siufeiq caeuq douzcienz、gunghawj caeuq aeuyungh doxcoi doxhab, hawj aen loek ndaw guek engq ak dwk gag fat rengz baenqcieng caeuq engqgya baengh ndaej.

(15) Roengzrengz guhhoengh siufeiq. Haeujlaeg saedhengz aen hengzdoengh cienmonz guhhoengh siufeiq. Doengbuenz maeuzveh coi couhnieb、dem souhaeuj、onj yawhgeiz, hableix hawj faenh ceiok guh fugsah caezcaemh haenx ndaej ciemq caizcwn g ceiok lai di, hawj gihminz lai ak siufeiq. Gyalai gunghawj gij doxgaiq siuyungh caeuq gij fugsah ndei haenx. Aeu cuengqsoeng cinjhaeuj、yienghnieb yungzhab guh cunghdenj gyahung fugsah siufeiq, gyaak binjbaiz dazyinx、biucinj swnggaep、yungh gisuz moq, doinyoengx sanghbinj siufeiq gyalai hwnj mbaek, cauxlaeb buk ciengzgingj moq siufeiq daiqdoengh

lai yiengh、yienh cingx raixcaix ndeu. Gungganq aen hawsingz guh gozci siufeiq cunghsim, haigvangq yiengh haeuj guek daeuj siufeiq. Gyarengz hengz gij cwngcwz cigsoh hawj ndei bouxsiufeiq, demlai gij cienzngaenz cwngfuj yungh youq baujcan gwndaenj bekking. Laebndei gij cidu gihci coicaenh siufeiq, cingleix doengh gij guhfap mbouj hableix hanhhaed cawx giceh、cawx ranzyouq daengj, laebhwnj laebcaez gij banhfap guenjieix hab hangznieb moq vunqsik moq ciengzgingj moq siufeiq haenx, doeksaed daiq cienzhong doxca yietgyaj. Gyarem baujhoh gij gienzik bouxsiufeiq.

(16) Gyalai yiengh douzcienz raenhamq. Bauj hawj douzcienz hableix demlai, daezsang douzcienz raen ndei ndaej leih. Guh ndei aen gapgyaq cwngfuj douzcienz, demlai faenh cien z cwngfuj douz haeuj loih bekking gwndaenj bae, engq ndei dwk doicaenh hengzguh aen canloz hungnaek guekgya caeuq hwnqguh gij hanghmoeg hawj lingjyiz cunghdenj lai ancienz. Hab’ wngq aen seiqdaeuz gapgyaq vunzgyaeuj bienqvaq caeuq riuzdoengh, guh ndei sezsih giekdaej baijbouh caeuq gij sezsih fugsah caezcaemh baijbouh, gyalai douzcienz haifat gij swhyenz vunzlig caeuq hawj bouxvunz cienzmienx fazcanj. Daengxbuenz maeuzveh yungh ndei gak loih cienzngaenz cwngfuj douzhaeuj haenx, youq doengh giz deihfueng giekdaej guhhong haemq ndei de damqra bienceiq aen giva sojmiz cwngfuj douzcienz. Gyarem daj goek daengz byai guenjieix cwngfuj douzcienz. Gyalag gajgwz gij cidu saemjbae douzcienz, caiq lai mingzbe g doekdingh gij fuengyiengq caeuq cunghdenj cunghyangh ndij deihfueng douzcienz. Gyarengz maeuzveh lwnhcingq, hengzguh buk gunghcwngz hanghmoeg miz biugeiq youqgaenj ndeu. Laebndei aen gihci naihnanz hawj minzyingz giyez caeuqfaenh hwnqguh hanghmoeg hungnaek, langh’ ok gij rengz dazyinx daiqdoengh douzsw h gihginh cwngfuj, gik ok gij rengzhoengh ndawbiengz douzcienz、demlai faenh cien z ndawbiengz douzhaeuj, gyaak gij rengzlig douzcienz demlai raenhamq youz hawciengz dazyinx haenx.

(18) Lailai gik ok gij rengzhoengh gak loih ginghyingz cawjdaej. Dawzmaenh caeuq doeksaed “song aen mbouj doenghngauz saekdi”, coicaenh gak cungj sojyoujci ginghci doxbouj gijak、itcaez hwngfat. Gyalag gajgwz sw hbnj guekmiz giyez guekmiz, guh ak guh ndei guh hung giyez guekmiz caeuq sw hbnj guekmiz, doicaenh gajindei gij baijbouh caeuq diuzcingj gij gapgyaq ginghci guekmiz, hawj giyez guekmiz demlai gij goengnaengz cei maenh、daezswng gij rengz beijak cei maenh. Doeksaed aen fap coicaenh minzyingz ginghci, daj fapldw caeuq cidu fuengmienx baujcan bingzdaengj bae yungh swng hcanj yausu、goengbingz caeuqfaenh hawciengz beijak、baujhoh ndei gienzik habfap, hwngfat guhhung minzyingz ginghci. Haeujcoengh giyez rauh iq caeuq cangh gagguh seng’ ei q hwngfat, doidoengh giyez hung rauh iq guhdoi h yungzdoeng hwngfat. Gyarem canjgienz caepfap dawzfap baujhoh, gyarem dawzfap gamduk cazfung、gaeuat、funggiet doengh gij guhfap gaemhanh neix. Laebndei aen cidu giyez ciuhneix miz gij daegsaek Cungguek, hwnqciengz gij cingsaenz giyezgyah, gyavaiq dajcauh gij giyez lajmbwn itlouz engq lai.

(19) Gyavaiq laebndei gij diji gihci youz hawciengz ndabo iq yausu. Coicaenh gak loih swhyenz yausu ndabo iq engq doxngamj, laebhwnj laebcaez gij hawciengz dieg dajhwnq singz mbanj doxdoeng caezcaemh、gij hawciengz sw hbnj goengnaengz caezcienz、gij hawciengz vunzhong haeujok doengrat、gij hawciengz gisuz cienjvaq vaiq ndei. Bienguh aen biuj dawzcaiq hungzgvanh sw hcanj, dohcaez saej ok gij daejsoq swhyenz sw hcanj gaenq miz, gajindei aen gapgyaq sw hcanj dawzcaiq. Laebndei gij cwngcwz gyobcawx、buqcanj、lawhvuenh daengj, buenzhoengh yungh ndei gij dieg raenndei noix、gij ranz cuengqndwi、gij sezsih giekdaej gaenq miz. Laebndei gij fapldw fapgi swnjgeiz sawjyungh diegyungh gunghye z sanghyez, ciuqfap onjdangq doicaenh gij hong swnjgeiz. Doicaenh daengx guek hingzcwn g swyez danhvei buenzhoengh caez yungh gij sw hcanj guekgya gaenq miz. Doinyoengx sw hfaz buenqgiet caephengz caeuq buqcanj cidu ndeindei hamzciep, ciuqfap mizyauq buenzhoengh gij caizcanj deng cazfung funggiet.

(20) Daezswng gij yauqnaengz ceihleix hungzgvanh ginghci. Gyaak gij rengz guekgya fazcanj gveihva dazyinx daengxbuenz, gyarengz hawj gij cwngcwz caizcwn g、hobi dox boiqhab, langh’ ok gij rengz doengh hangh cwngcwz canjniel、gyagwz、couhnieb、siufeiq、douzcienz、gaicawx、gvaengxdieg、vanzbauj、gamguen daengj, coicaenh cauxbaenz yiengh ginghci hwngfat engq lai youz ndaw guek aeuyungh guhdaeuz、siufeiq ragdoengh、gag ndaej demlai haenx. Gyarem nyig hopgeiz caeuq hamj hopgeiz bae diuzcez, saedhengz gij hungzgvanh cwngcwz engqgya soeng haenx, laebdaeb onj demmaj、onj couhnieb、onj yawhgeiz. Dem’ ak hungzgvanh cwngcwz yiengh aeuyiengq doxdoengz de, gyarem bingzgyaq cwngcwz saedhengz ndaej baenzlawz yiengh, laebcaez gij gihci guenjieix yawhgeiz, gajindei gij gaujhaed gyobhab cikyauq yiengh hwngfat coh cei ndei.

(cienj banj 5)